

民國重修大邑縣志

石曾

卷

三二

大足縣志卷二目錄

方輿下

縣治		城垣	衙署	機關	團體	學校	公共場所	坊表
鎮鄉	西城鎮	香關鎮	獨陀鄉	化龍鄉	石馬鄉	大堡鄉		
迴龍鄉	雲山路鄉	十萬鄉	萬古鎮	雅溪鄉	興隆鄉			
協和鄉	郵亭鄉	龍水鎮	玉龍鄉	復隆鄉	雙路鄉			
新建鄉	雙河鄉	珠溪鄉	石龍鄉	三驅鎮	寶興鄉			
手家鄉	高坪鄉	高陞鄉	中熬鎮	青龍鄉	天保鄉			
雙溪鄉								

大足縣志卷二

方輿下

縣治

縣城曰治城垣街市官署學校團體公所倉廩祠廟坊碑在焉自唐置縣首著錄於元和郡縣志曰大足縣與昌州同置次如輿地廣記蜀中廣記併云光啟元年徙昌州來治宋亦為州治今城外北山有唐昌州刺史韋君靖碑宋昌元郡守王翼大足縣令勾龍誠碑大足縣令陳紹珣題名南山有宋昌州刺史何格非張宗彥唱和詩昌州刺史陳伯疆題識大足縣令何光震餞郡守王夢應記而何光震記云縣前守令僚佐類多名勝題墨淋漓獨惜介在山間距大江幾二百里則唐宋時之故城卽今之縣治可知也舊志云其故城或云在縣之米糧關或云在崇勝里之妙高山又云在龍水鎮鎮有古昌州治碑前兩說逞臆妄談全無所據至龍水鎮之名見於宋史盧斌傳其非縣治所在亦灼然無

疑考元和郡縣志云昌州靜南縣郭下太平寰宇記云廢靜南縣在永川縣西北五十里宋初以地荒民少併入大足等三縣自其方位度之龍水鎮似卽古之靜南縣又自碑文究之亦與元和郡縣志所記吻合惟其碑無年月題識未可據為鐵證耳

城垣 明天順中知縣趙恕修築石城成化中重慶府同知莫踞重修高一丈二尺周圍八百六十七尺計四里八分立昌甯昌泰昌靖昌寧四門嘉靖中知縣袁衍增修城壕改四門曰迎曦送夕來薰拱極清乾隆八年知縣李德增修東西兩門城樓題名棠城香園於東城樓肖諸葛武侯像嘉慶二年知縣徐景東勸諭士民捐貲卽舊址重建城垣一座知縣繆光黻張聰思接修至七年工竣計周圍長八百八十五丈六尺高一丈二尺寬一丈四尺易名東迎旭南解阜西甯肅北拱極改東城樓額曰漢相樓於西南隅建水門一座一名小南門見道光志咸豐十年知縣饒順開浚城壕寬約二丈深一丈有奇并於東門右北門左

西門右各建砲台一座同治二年東門左側傾圮知縣桂衢亨補修并
增建空心砲台一座上覆以亭八年小南門傾陷知縣吳嗣伯補修十
二年南門右側被水冲塌知縣王德嘉補修見光緒志光緒二十九年
知縣唐我圻補修東門右側一段民國十一年知縣馮藻補修北門右
側一段十八年駐軍王士俊旅長改建街市路拆卸東西南三門及城
樓二十三年縣長廖溥飭建設局於東西南三門舊址建柵二十五年
縣長盛一晉封閉舊北門另闢新北門二十六年抗戰軍興為防敵機
空襲便於疏散復開舊北門

街市舊有街十八曰東街曰桂香街曰萬祝街曰上西街曰下西街
曰大南街曰大北街曰小北街曰後北街曰粵東街曰黉門曰學道街
曰三牌坊曰孝泉街曰羅家巷曰大槽門曰水巷子曰草街子民國十
八年駐軍王士俊旅長拓寬街面東街桂香街萬祝街孝泉街上西街
下西街大南街皆改建三合泥路民國二十六年警佐龍步雲易東街

名中山東街桂香街名棠香街萬祝街名復興街孝泉街及上下西街
名中山西街大南街名洪澤街大北街名障屏街小北街名棠聖街學
道街名文化街羅家巷名慈善街餘仍舊

機關 明末流賊之亂城市廢為坵墟舊日官署蕩然無復存者清初

省入榮昌縣以榮昌知縣兼攝大足縣事無署設公館於東街兼攝之
員間一至館聽事而已雍正六年復置縣建治署於萬祝街即今縣政
府廢公館為寶鼎書院後又廢為節孝祠九年建儒學署續又建典史
署續又建駐防把總署咸豐三年藍李亂後鄰氛未靖設城防局後改
為保甲局十三年設三費局初各局皆委紳經理或附設試院或以局
自隨光緒初始購萬祝街曾氏祠為三費局後北街劉某宅為保甲局
三十四年仿行新政裁把總設警察局新建在東街今租於農工銀行
又裁訓導設勸學所又增設勸業所及勸工所同在舊試院內後改勸
業所為蠶桑局勸工局移北街沈公館又增設罪犯習藝所在後北街

新建宣統元年設經徵局在大槽門舊養正齋又設郵政代辦所在東街祥發棧後升為三等局移東街鄭宅鄧宅今租住黃宅宣統二年預備立憲設縣議事會參事會在東街新文昌宮後移萬祝街與三費局合住民國成立政治署為縣行政公署廢保甲局裁罪犯習藝所及勸工局設平民教養公廠在舊罪犯習藝所裁經徵局設徵收課在北街沈公館改典史署為典獄員署後改為管獄署改警察局為警察所移北街從善堂改蠶桑局為實業所移西街黃氏祠改三費局為縣司法經費收支處勸學所仍舊皆隸屬縣行政公署三年復設經徵局移舊崇香書院隸省財政廳經理國省稅後改名徵收局另設地方經費收支所在北街劉公館經理縣地方稅隸縣署四年四月增設大足縣鹽井委員署及權稅署以委員兼權稅官在大槽門舊育嬰局隸川南鹽運使署今改為大足鹽場公署又增設菸酒公賣監察所在縣署後舊統計課隸省菸酒局又增設團練局在北街舊保甲局隸縣署移勸學

所於舊儒學署十三年設官產清理處劃縣立高等小學校之一部為辦公處售廢把總署於何聖泉旋裁撤又設市政公所所在十字口申明亭後移東街舊議事會十六年廢議事會於原址增設中國國民黨大足縣縣黨部次年改黨部為黨務指導委員會移北街從善堂增設銅大馬路局與市政公所合住在舊議會十九年頒行縣組織法改縣行政公署為縣政府改徵收局為財政局併地方經費收支所司法經費收支處入焉以第三課經理縣財政事務分住萬祝街舊三費局改實業所為建設局改警察所為公安局改勸學所為教育局改團練局為保衛團旋改為團務委員會合併各慈善團體為救濟院在北街崇善堂裁教養工廠設游民習藝所在外東召公祠隸縣府二十年廢銅大馬路局及市政公所黨務指導委員會移住其地增設清共委員會在舊罪犯習藝所旋移東街與黨務指導委員會同住二十二年併局改科劃分省縣稅改財政局為徵收局經收省稅以其第三課為縣府財

政科經收縣地方稅政教育局為縣府教育科政建設局為縣府建設
科併公安局入團委會移縣府右側科房旋合併各科改名一二三等
科增設財務委員會在萬祝街舊三費局又增設電報局今改為電報
營業處隸川藏電政局附住郵政局內二十四年設立禁煙委員會在
舊罪犯習藝所壞南華宮為民衆教育館二十六年抗戰軍興增設社
訓總隊部在舊警察局繼移舊罪犯習藝所後改為國民兵團部繼又
移萬祝街舊縣政府今移東門車站隸軍管區司令部又增設防護團
在縣府左側香溪草堂又增設出征抗敵軍人家屬優待委員會在民
衆教育館又增設營業稅大足查征所後改為直接稅查征所在北街
舊團委會隸永川直接稅分局劃菸酒稅為國家稅改名菸酒稅合川
分局大足辦事處今改為川康稅務署合川分局大足辦事處在北街
明善義塾又增設軍硝採購處在萬祝街何宅繼移外東周宅今移東
門車站旋縣府改一二三四科為民政財政教育建設四科增設軍事

科禁煙科裁禁煙委員會清共委員會游民習藝所增設災童養訓所
在東門車站二十七年司法獨立設司法處就典獄署前部改建隸四
川高等法院同時縣府增設軍法室二十九年頒行縣各級組織綱要
增設衛生院在外東公園內三十年增設水利委員會在民衆教育館
縣府增設會計室統計室軍法室警佐室又裁財委會出納組設經收
處在後北街舊團委會與直接稅大足查征所合住三十一年田賦改
徵實物改徵收局為田賦管理處增設縣倉庫在南街武廟又增設糧
食監察委員會在萬祝街舊三費局與財務委員會合住三十二年合
併災童養訓所於救濟院裁警佐室設警察局在香港草堂前段縣府
增設社會科裁財委會糧監會增設縣臨時參議會在北街舊罪犯習
藝所三十三年增設縣訓所旋令分別糧食部儲運局大足縣倉庫交
通部大足縣郵政局大足縣電報營業處財政部川康稅務署合川分
局大足辦事處直接稅大足查征所川康鹽務署大足鹽場公署軍政

部大足軍餉採購處為中央機關四川省大足縣田賦管理處四川省大足縣國民兵團部四川省大足縣防護團為省級機關縣政府臨時參議會縣黨部司法處管獄署警察局為縣級機關以經收處農業推廣所民衆教育館救濟院縣銀行衛生院優待委員會水利委員會為縣政府附屬機關又有重慶衛戍總司令部稽查處大足縣稽查所重慶防空司令部大足監視哨為特務機關

縣政府

本清治署雍正六年知縣陳九夏建大門三間鼓樓儀

門三間聖諭牌坊一座大堂三間二堂三間三堂三間內宅五間

書史料房左右各五間右門房一間左庫房一間左廚房三間右

廂房三間乾隆六年知縣李德增修三堂右小院三間右廂後花

廳三間二十三年知縣趙憲高於西南隅建怡心亭五十年知縣

何琳移三堂於二堂東題曰小有書屋重葺花廳為竹軒咸豐十

年知縣饒順父拱辰就養來署居竹軒改竹軒名觀物軒光緒三

十四年知縣鄺國元於觀物軒前建香霏亭民國元年改為行政公署十九年改今名建門坊拆卸鼓樓儀門聖諭坊及大堂右科房闢為廣場改大堂左上側房名香溪草堂二十五年縣長盛一晉重葺香霏亭更名復興亭二十九年避敵機空襲遷西門外西禪寺辦公三十三年仍還回原地臨時參議會 在北街本清罪犯習藝所民國三十一年成立重葺分議場辦公室兩部

縣黨部 在東街本新文昌宮清為縣議事會民國十七年中國國民黨四川省大足縣黨務指導委員會在北街從善堂二十年移今地二十八年更名中國國民黨四川省大足縣執行委員會簡稱縣黨部

司法處 在縣政府左本清典史署之一部民國二十七年改建管獄署 在縣政府左舊為典史署民國元年改為典獄署十七

年改今名

警察局 在縣政府左香溪草堂前段清光緒三十三年設警察局在東街民國元年改警察所移北街從善堂十七年改公安局二十四年併入團務委員會二十五年縣府設警佐室二十九年以警佐兼城區警察所所長三十二年八月改今名

以上縣級機關

直接稅查征所 在北街舊團委會民國二十六年五月設營業稅稽征所三十一年三月改今名隸財政部永川直接稅分局
儲運處 在大南街民國二十九年成立名大足縣倉庫就武廟崇聖祠及桓侯祠改建隸糧食部四川省儲運局三十三年改今名

郵政局 在大東街黃宅清宣統元年成立為代辦所今升為二等局三十一年租住居今地隸東川郵務管理局

鹽場公署 在大槽門舊育嬰局民國四年四月設大足縣鹽井

委員公署及權稅署租此二十一年一月改權稅署為收稅處鹽

井委員署仍舊二十七年二月合併鹽井委員署及收稅處為鹽

場公署三十一年改今名隸財政部四川鹽管局

電報營業處 舊有二十一軍軍事報房二十四年十一月由交

通部接收改為電報局附住郵政局內二十六年七月撤局由郵

局兼辦二十八年一月復設改今名隸川康電政局

川康稅務署合川分局大足辦事處 在大北街舊明善義塾民

國三年設大足縣菸酒公賣監查所在縣署後舊統計課二十六

年劃分國省稅改為菸酒稅合川分局大足辦事處移今地三十

一年增收統稅改今名隸財政部川康稅務署合川分局

軍硝採購辦事處 在東門車站民國二十六年成立初租萬祝

街何宅三十一年移今地隸軍政部軍硝採購處合川分處

以上中央機關

田賦管理處 在北街舊棠香書院清宣統二年設經徵委員公署在大槽門舊養正齋民國元年裁撤三年復設名經徵局移今地旋改名徵收局十九年改名財政局隸縣府二十四年復改名徵收局隸省府二十九年田賦改征實物改今名隸四川省田賦管理處

國民兵團 在東門車站民國二十六年十一月設立社訓總隊部在東街舊警察局二十七年五月改為國民自衛總隊部移北街舊罪犯習藝所二十八年改今名三十一年縣臨時參議會成立指定舊罪犯習藝所為會址移舊縣府三十三年隸府自西禪寺遷回再移今地隸四川省軍管區司令部

防護團 在民衆教育館左側民國二十七年成立在縣府左香溪草堂隸四川省防空委員會三十三年移今地

大足縣志 卷二
縣訓所 在西禪寺三十三年設立

以上省級機關

衛生院 在東關鎮傘鋪街舊為公園之一部民國三十一年成立

經收處 在北街舊保甲局與直接稅查徵所合住民國三十年成立

農業推廣所 在南門外南禪寺舊為實業局苗圃後為大足縣農事試驗場民國三十一年成立

民衆教育館 在東街舊南華宮民國二十五年五月建

救濟院 在大北街舊從善堂民國二十一年合併舊養濟院義濟院育嬰局及各慈善團體成立三十二年併災童養訓所入焉

水利委員會 附民教館民國三十年成立

優待委員會 附民教館民國二十六年成立

縣銀行 在東街舊節孝祠民國二十九年建

以上縣政府附屬機關

重慶衛戍總司令部稽查處大足稽查所 在萬祝街舊三費局

三十一年成立

重慶防空司令部大足監視哨 在城外北禪寺民國二十六年

成立

以上特務機關

團體 吾國人民向無團體清初移民實川於是同籍客民聯絡醵資奉其原籍地方通祀之神或名曰廟或名曰宮或名曰祠通稱會館是為團體之始計縣城及東關共有會館九在城內者三曰壽佛宮即廣西會館在後北街建置年代不詳今劃入縣立初級中學作教員院曰南華宮即廣東會館在東街建置年代不詳今改建民衆教育館曰惠民宮即貴州會館舊在東門外清咸豐十年燬於賊十二年改建於城